

eat of most voraciously, and, for several Days after, she was very wild and ungovernable, which made me never afterwards try her with raw Flesh. I am apt likewise to believe, their ordinary Dens or Habitations are under Ground in sandy Banks, like our Rabbits; for when she was brought to the Fields, she would dig up the Sands with her Paws, with an incredible Swiftnes, so that had she not been chain'd, there had been no Possibility of recovering her.

GEORGE MACKENZIE.

II. *Imber Calculorum inter aquarum Pyrmontanarum usum, in Viro, nunquam antehac calculum experto, ac alias perfecte sano, subsequente postea miectu cruento, tandemque vesicæ ulcere. Communicante Viro Clarissimo Abrahamo Vatero, M. D. Anat. & Botan. Prof. Wittemb. R. S. S.*

NObilis Pomeranus, sanus ac vegetus, uti ipse de se refert, nulliusque mali sibi conscius, ante hos tres annos, suasu amici, conversationis causa, socium se ipsi adjunxit, in bibendis aquis medicatis *Pyrmontanis*. Factum autem est, ut, cum potando aliquot dies transgisset, calculos quosdam minores, absque ullo quidem dolore, excludi inter mingendum sentiret. Effectum hunc criticum esse sibi persuadens noster, aquas istas aucta dosi bibere incipit, quo facto, quatuor vel quinque

que dierum spatio, ultra quadraginta calculi, rursus tamen sine molestia, exierunt. Hoc viso, strenue & alacriter potare continuat, optimum hujus curæ effectum sibi promittens. Assumpta vero ita nimia aquæ quantitate, urina supprimitur, adeo, ut ne minimam ejus portionem per tres dies emittere potuerit, usque dum catheteris ope via aperiretur. Commonefactus itaque à Medicis, ab usu aquarum ulteriori abstinuit, remita peractam esse credens. Non ita multo post, vir iste iter faciens, continuo mingendi conatu lacesitur, ac iterum iterumque ex rheda descendere cogitur, tandemque inter gravissimos dolores sanguinem purum effundit. Duravit mictus cruentus & dolorosus, quamdiu æger in itinere constitutus fuit, postquam vero hic, domum reversus, quieti studuit, statim cessavit, nec quicquam doloris remansit. Quoties vero ab illo tempore five rheda, five equo veheretur noster, rediit dolor, & sanguis cum urina fecessit, sed quiete restituta, iterum evanuit, nullo planè dolore superstite. Contigit quidem interdum, ut calculus unus vel alter prodiret, rarius tamen hoc factum est, nec ullum ex eo dolore in percepit æger, quoniam hi longè minores, quam quos inter aquarum usum reddidit, fuerunt. Symptome hoc admodum molesto per duos integros annos vexatur æger, tandem usu medicamentorum liberatus est. Cessante itaque penitus mictu cruento, nil magis timuit, sed integræ sanitati restitutus sibi visus, medicamentis valedixit. At, quid fit? Augetur post illud tempus indies Stranguria, virque continuo die nocteque ad urinam reddendam stimulatur, quo malo ipse ad hunc usque diem affligitur. Urina, quæ parcissima quantitate, summoque cum dolore emittitur, crassa exit, ob pituitam viscida admistam, quæ fundum statim petit, glutini ex farina confecto similis, tantæ tenacitatis, ut in fila quasi

quasi trahi queat. Ager interea appetitu bono gaudet, & somno quoque sufficienti utitur, nec ullibi præterea in corpore dolorem sentit.

Consideratio Casus, ejusque circumstantiarum singularum.

Si quis historiam morbi, quoad omnes ejus conditio-
nes, accuratè perpendat, mecum confitebitur, eandem
vix parem inter observationes Medicas agnoscere. No-
tatu dignissimum imprimis est, potu aquarum istarum
mineralium, calculos sat insignes, in tanta copia, atque
intra tam breve temporis spatium exclusos esse, a viro,
uti ipse de se refert, ante aquarum usum perfectè sano,
nec ullum calculi indicium unquam sentiente. Non le-
vem hoc in animo excitare potest suspicionem, calcu-
los non tam ab aquis propulsos, quam ex croco mine-
rali, qualem aquæ tales medicatae in sinu gerunt, ge-
neratos potius in hoc ægro fuisse. Parum quidem huic
sententiæ favere videtur tempus admodum breve tot
calculatorum concretioni vix idoneum, quoniam hi, pau-
cos post dies ab inchoato aquarum potu, exclusi sunt.
Non tamen existimo, quenquam facilè definire posse,
quantum temporis spatium ad calculi in corpore gene-
rationem requiratur ; poterit hoc forte esse exiguum.
Longè enim minus veritati consentaneum videtur, cal-
culos istos jam tum in viis urinariis latitasse, quoniam
vir ille nunquam antehac urinæ difficultatem, aut ali-
ud calculi signum percepit. Confirmant e contrario
omnes hujus casus circumstantiæ, *concretionem istam*
subito factam esse. Calculi enim ipsi nullatenus asperi
atque angulosi, quales alias vesicæ calculi esse solent,
ob successivam spiculorum salinorum cohæsionem, sed
pisorum majorum minorumque instar, rotundi, glabri,
& politi observantur, quod coagulationem eorum fu-

bitaneam docere videtur. Color eorum luteus convenit exactè cum sedimento illo, coctione ex aquis *Pyrmontanis* extracto, cuius minimam portionem ex quatuor unciiis aquæ hujus paratam addere volui, ut tanto melius convenientia ista patescat. Fracti calculi strata ejusmodi variegata interius monstrant, qualia in tophis thermarum Carolinarum deprehenduntur, quorum pariter particulam exiguum adjeci. Addidi propterea quoque calculos duos, cum aliquot frustulis contritorum, paucissimos enim tantum obtinui. Ultimo tandem loco attendi quoque meretur singularis ista circumstantia, quod maxima horum calculatorum pars inter ipsum aquarum usum exclusa sit, post illud tempus vero rarissime tales, iisque longe minores prodierint. Non tamen ideo culpa hujus rei in aquas istas medicatas conjicienda erit, quasi haec ad calculi generationem disponant, cum potius debilitati viscerum, ac pravae digestioni adscribi debeat effectus ille extraordinarius. Nolo etiam levissimas has meditationes atque conjecturas pro veritate indubitate venditare, rem totam potius Illusterrimæ Societati Regali decidendam, ea, qua erga ipsam sum, pietate ac observantia trado.

*Dabam Wittembergæ Saxonum,
d. vi. Jan. M DCC XXIII.*